



وفی ۶ اگستوس ۱۳۲۸ سنه

پازار ایرتسی فی ۶ رمضان ۱۳۳۰

|| جمعیت علمیہ اسلامیہ نیک ناسر افکاریدر ||

مدیر مسئول	سر محرر :	صاحب امتیاز :
مکتب قضاء معلم نندن	فاتح مجیز درس عامل نندن	فاتح مجیز درس عامل نندن
کیلسلی	نوقادلی	نصوح افندی زاده
منیر	مصطفی صبری	مصطفی عاصم

مندرجات

قسم تاریخی	تاریخ اسلام	محمد توفیق	بر تفسیر
قسم ادبی	تخمیس	مصطفی	توحید، تثلیث
محمد توفیق	سیف	خبر الدین	دو قنور دوزی بی رد
شوکت غونی	سلیمانیه	محمد عاطف	مدینت شریعہ
ناظم		محمد توفیق	سورۃ یوسف دہ کی سیاست
متفرقہ	فاس سلطنتی	الحاج محمد	انرجہا لہی ؟
...			

اعلان

نسخہ سی ۱ عروش

آونہ اجرنی (بوستہ اجر نیلہ برابر در)

ممالک اجنبیہ ایچون :
۱۳,۰۰۰ فرانک
» ۶,۵۰۰

استانبول و ولایات ایچون :
بر سہ لکی ۵۰ غروش
آلتی ایلنی ۲۵ »

درج اولنیاں اوراق اعادہ ایدلر

قارئر مرزہ

اکثر مقالاتہ آیات کریمہ واحادیث بیوہ درج ایدلش بولندی نظرا اعتبارہ آلہ رقی رعایتسز لکدہ بولنلعماسی رجا اولنور ،

مطبوعہ توسیع طباعت [باب عالی قار شو سندہ عدلیہ خانی نومرو ۱۹

[پس کشته شو] نص برهان البیانی شو افاده مزک
صدق و حقایقته یک بارز بر دلیل و آیتی بر معجزه در.
اوت الله ذوالجلال فرض اولئان اعضا و جوارحی یعنی
الربی و ایاقلری ارض و سمان بیوک فرض ایش اولسه
ینه مخلوقات موجوده و وجوده کثیره من ایدی . چونکه
معلومدرکه ایجاد مکنونده اعضانک بیوک و کوچککننده
هیچ بر فرق یوقدر .

فصلک انسانک اعضا و جوارحی سنک و قرنجهرک
برقاج بیک مثلی اولدینی حاله نه بر قرنجهنک ایاغنی ونه ده
بر سنک قنادینی خلق و ایجاد ایده میور .

بناءً علیه الله ذوالجلال والکمال حضرتلری بزه بکزه
بهماز و بر یرده اوله ما ، یعنی یره کوکه تمکن ایدوب
اوطوراما ، مخلوقاته کیرهماز زیرا بویه اوطور و بطوران
مخلوقاتک عجزی یک ظاهر و سالف الذ کهریچ بر ذره ایجادینه
قادر اوله مدینی هرکه معلوم در .

ایشته الله کائناته حلول ایدنی دیان ملا میون برده سی
آلتنده کی وجودیه نیک عدمه و کوکده عر شده اوطور یردن
محسمه نیک صنمه طابندقرنی علمای محققین سوله پورلرکه
بو ادعائک فوق العاده محق و بو فرقه لری یعنی وجودیه ایه
محسمه نیک بوباده کی اعتقادلری نیک بدیهی البطلان اولدینی
قانون ریاضی قدر قطعی و آیقدر .

بناءً علیه آنلرک تخیل، توهم ایتدکلی کی برالله
یوقدر و اوله ما . اوکندولری نیک متعفن دماغلرنده تجسم ایش
خیالاتن بشده برشی دکدر . زیرا الله ذوالجلال حضرتلری نیک
عظمت سبحانی سنی دماغ بشر احاطه ایده من چونکه دماغ
و دماغ تصوراتی محدوددر الله ذوی الجلال حضرتلری
ایه غیر متصور و غیر محدوددر . معلومدرکه غیر محدود و محدود
ایله اولجله من ایشه بو سرو حکمته بناءً قدوة المسلمین
جناب ابوبکر الصدیق افندمن [العجز عن درک الادراک ادراک]
بیورمشلردر . الله اکبر! .. نه عالی کلام! .. نه حقیق فهم! ..
خلاصه هر کیم سوبلر ایسه سوبسون کرک عرب

سوزنده بیه اونوع قصور و تنافض قابل عفو اوله ما .
و بوتعارض و اختلافلر هیچ بروجه قابل تأویل
و تألیف اولدینی کی صایلاز درجده چوقدر .

بونلرک حقیقته واقف اولوق ایستینلر رحه الله الهندی
حضرتلری نیک بوخصوصه تألیف بیوردینی اثر کترین بدینه
مراجعت ایلیدرلر تطویلدن حذراً ایرادنن صرف نظر
اولنمشدر .

افشهرلی خبری زاده

مصطفی

دوقور دوزی نی رد

مابعد

[الله بزم کی بر شخصیه مالکدر] سوزی دخی
قطعاً باطلدر . چونکه الله تعالی حضرتلری بزم کی عضوای
ایله اکوانده تصرف ایتمی ممکن دکدر .

ایشته بزم احوال خارجی و داخلی من معلوم اولمغه
برابر نه قدر عاجز بر مخلوق اولدینمز میدانده در . بر
سنک قنادینی یایه بیلکدن عاجز اولان انسانه بو ارض
و سیه دها میلیار لجه عجیب و غریب مخلوقاتک صانع حال
العالی فصل قیاس اولنه بیور .

و الله عظیم الشان انسانلر کی فصل بر شخصیه مالک
اوله بیور .

اگر انسانلر کی الهمه بر شخصیه مالک اوله بیدی
بو کوردیکمز مخلوقاتدن هیچ برشی ساحه وجوده کله من
ایدی .

چونکه شخصیه مالک اولان انسانلرده کله میور یعنی
بونلر هیچ بر شیئی خلق و ایجاد ایده میورلر . بناءً علیه
انسانلر شخصیتده مساوی اعتقاد اولئان الهمه ده اوله من
ایدی . ایشه بالضروره قانون مساواته آکلاشیلیورکه
الله ذوالجلال حضرتلری قطعاً بزم کی بر شخصیه مالک
اوله ما .

مشرکری سویله سون و کرک ملامیون سویله سون الله ذوی الجلال حضرتلری! زم کی بر شخصیته مالک اوله ماز بز ایشته بویاده کی دلیللری آنفاً بیان ایلدک .

مابعدی وار

بایزید درساملزندن نوشهرلی

خیرالدین

هامش

ینه مقام . ملای مشیختک نظر دقتنه شدتله عرض ایدر مکه استانیولده ملامیون نامی آلتنده یشایان [بودا] و منکو [نامیه هندستانده ظهور ایدن وجودیه مذهبی دو کوندیلرندن بعض یوکسک مأموریتلرده و بعض سفلی مستخدم یک چوق اشخاصک اباحه و وجودیه یعنی (پانته ایزم) مذهب باطلنی نشر و اشاعه ایتمکده اولدقلری تواتراً سویلنمکده در .

خیرالدین



قسم اخلاقی واجتماعی

مدنیت شرعیه، ترقیات دینیّه .

تاسعا -- پدر و والده سنه خدمت و اطاعت ، معلم و مربیسنه و کرک قریب . کرک اجنبی اولسون کندندن بیوکره تعظیم و تکریم و کوچکله مرحمت و شفقت ایتمکی اعتیاد ایتدیرملی .

عاشرا -- کرک طوغرو و کرک بالان اولسون مطلقاً بئین ایتمکدن، فائده سز، معنائس سوز سویلکدن، فحشیات، کفریات ، نهن ، سب و شتمدن و حرام اولان لهویات و لهیایندن منع ایتملی .

برده عارسز و حیاسز چوجقلر ایله ، دائماً هذیانات ،

فحشیات . کفریات سویله مک ، فسق و فجور و سفاهت ، لهویات ، لهیات ایشلمکله مألوف اولان کیسه ملر ایله اختلاطدن شدیداً منع ایتملی . چونکه احوال سیئو و اخلاق رديه سوء قریندن سرایت ایده چکی امر محققدر . خصوصیه خیر و شره مستعد بولندی بی ایلک نشوونما دورنده چوجوق اهل اولنوبده قاسق ، فاجر ، سفيه ، حیاسز ، عارسز ، ناموس سز ، سارق ، حسود ، یالانچی ، قوغچی ، ذمام ، کفر باز کیسه ملر ایله اختلاط ایدر و آنلر ایله دوشر قالفارسه بهمه حال آنلرک اخلاق رديه و احوال ذمیمه سی سرایت ایدوب او دخی شرر ، قاسق ، فاجر ، سفيه ، حیاسز ، عارسز ، ناموس سز ، سارق ، حسود ، یالانچی ، قوغچی ، ذمام ، کفر باز اوله رق نشأت ایدر . بناءً علیه احوال ذمیمه ، اخلاق رذیلهدن تخلیصی آنجق سوء قریندن وقایه ایتمک و کوزل صورتده تربیه و یرلمک ایله تأمین اولنه ییلور .

چوجقلره تربیه دینیّه و یرلمک خصوصنده عرض اولنان اصول و احکام مشروعیه صوگ درجه ده اعتنا و اهتمام لازم اولقله برابر (مروالادکم بالصلاة و هم ابناء سبع و اضر بومهم علیها و هم انباء عشر) حدیث عالیمی اقتضائنه یی ایشنه واصل اولنجه چوجقه طهارت ، صلات ایله و مقتدر اوله بیله چکی سائر مأمورات شرعیه ایله امر ایتمک و اون یاشنه بالغ اولنجه ده احکام مذکوریه ترک اوزره ضرب و رمضاندن بعض کونلرده اوروج طومق ایله امر ایلمک و او یون ، چالغی ، شرب خمر ، سرقت ، کذب ، خیانت ، فسق و فجور و سفاهت کی منہیات شرعیه نک عمومندن نهی ایتمک و مخافة اللهی آنک قلبنه یرلشدیرمک او یونی اوزرینه و اجبردر .

تربیه اسلامیّه جله سندن بریده لازمکن معلومات اساسیه و یرلدکد نصوکره چوجقلک فطرت و استعدادی تفرس اولنوب هانکی علم ، فن ، صنعته استعدادی مناسب ایسه آنی تحصیل ایتدیرملی در . زیرا نظام عالم و قوام سلسله وجود نی آدم صناعات کثیریه محتاج اولدیغندن حکمت الهیه هر